



GRUPO DE DESENVOLVEMENTO RURAL

ULLA TAMBRE MANDEO

BAREMO DE PROXECTOS NON PRODUTIVOS

I. Normas para a xestión da estratexia

1. Requisitos xerais dos proxectos

Con carácter xeral, os proxectos que soliciten as axudas deben cumprir os seguintes requisitos:

- Estar localizados no ámbito xeográfico de actuación do GDR Ulla Tambre Mandeo.
- Ser viables técnica, económica e financeiramente, para os proxectos de natureza produtiva, e técnica e financeiramente para os non produtivos.
- Adecuarse á estratexia de desenvolvemento local definida.
- Axustarse a normativa sectorial (comunitaria, estatal e autonómica) que resulte de aplicación para cada tipo de proxecto.
- Ser finalistas: que na data da xustificación final dos investimentos ou gastos subvencionados cumpran os obxectivos e funcións para os cales foron aprobados os proxectos. Non serán subvencionables fases dun proxecto que non constitúan unha actividade finalista.
- Que os proxectos para os cales se solicita a axuda non estean iniciados.

a. Regras xerais de cálculo de porcentaxe

Cada proxecto será analizado e valorarase de acordo cos criterios establecidos no baremo que figura a continuación. En función da puntuación que obteña, corresponderalle unha porcentaxe de axuda. Esta porcentaxe de axuda variará en función da natureza do proxecto, e das limitacións establecidas na normativa e demais instrucións que lle sexan aplicables no desenvolvemento do proxecto.

O importe da axuda non poderá superar en ningún caso os importes máximos establecidos por Agader, Resolución do 27 de abril de 2023 pola que se establecen as condicións e os obxectivos para garantir a idónea execución do programa Leader de Galicia para o período 2023-2027, así como as regras para a elaboración das estratexias e os criterios de puntuación referidos ós territorios que se correspondan coas estratexias de desenvolvemento local que sexan seleccionadas.

O importe de axuda que, como máximo, pode percibir un proxecto de natureza produtiva ascenderá a 200.000,00 €. Por outra parte, os proxectos produtivos que se amparen no Regulamento (UE) nº 2023/2831 da Comisión, do 13 de decembro, relativo á aplicación dos artigos 107 e 108 do Tratado ás axudas de mínimos, limitaranse a un máximo de 300.000,00 € por promotor durante un período de tres exercicios fiscais. A porcentaxe de axuda máxima para os proxectos produtivos ascenderá ao 50%, agás os proxectos elixibles en transformación e comercialización de produtos forestais, onde a porcentaxe máxima de axuda se establece no 40%.

O importe de axuda que, como máximo, pode percibir un proxecto de natureza non produtiva ascenderá a 200.000,00 €.

Os proxectos que opten polo Bono Activa Rural estarán limitados a unha axuda máxima de 18.000,00 por proxecto. Se, por puntuación, son seleccionados como beneficiarios dunha axuda Leader, esta será automaticamente de 18.000,00 euros.

Para que un proxecto poida ser seleccionado terá que acadar unha puntuación mínima de 21 puntos.

A porcentaxe máxima de axuda para cada tipo de proxecto, será outorgado a aqueles proxectos que obteñan unha puntuación superior a 70 puntos.

As porcentaxes de axuda entre o máximo e o mínimo, unha vez definidas a nota de corte e a nota á cal se lle asignará a porcentaxe de axuda máxima, calcularanse mediante unha relación proporcional directa cos puntos obtidos no baremo, axustada esa porcentaxe a dous decimais, e tendo en conta que a porcentaxe de axuda mínima que poderán percibir os proxectos sitúase no 15% para os proxectos produtivos e no 30% para os proxectos de natureza non produtiva, axustada esa porcentaxe a dous decimais redondeado pola regra matemática do cinco.

- **PROXECTOS PRODUTIVOS**

PUNTUACIÓN	PORCENTAXE DA AXUDA
Puntuación < 21 puntos	Excluído
21 puntos	15%
21 < Puntuación ≤ 70 puntos	Incrementos proporcionais de acordo á puntuación ata un máximo do 50%.
Puntuación > 70 puntos	50%

- **PROXECTOS NON PRODUTIVOS**

PUNTUACIÓN	PROXECTOS DE PRIORIDADE ALTA	PROXECTOS DE PRIORIDADE MEDIA	PROXECTOS DE PRIORIDADE BAIXA
Puntuación < 21 puntos	Excluído	Excluído	Excluído
21 puntos	50,00%	40,00%	30,00%
21 < Puntuación ≤ 70 puntos	Incrementos proporcionais ata un máximo do 90%	Incrementos proporcionais ata un máximo do 70%	Incrementos proporcionais ata un máximo do 50%
Puntuación > 70 puntos	90,00%	70,00%	50,00%

b. Procedemento para priorizar e seleccionar os proxectos verificados

Para os efectos de que a Xunta Directiva do GDR remita a Agader a relación dos proxectos para os que se propoña a concesión de axuda con cargo a cada anualidade, o GDR establece o seguinte procedemento, non discriminatorio e transparente, de priorización de expedientes que contén coa verificación favorable do ICE. A relación de expedientes propostos pola Xunta Directiva farase ata esgotar o crédito anual e incluírá a distribución de axuda por anualidades e o prazo máximo de execución de cada un dos expedientes propostos.

Os expedientes produtivos ordenaranse de maior a menor puntuación acadada no baremo correspondente ó ICE verificado de cada un dos proxectos para a proposta de concesión de axuda. En caso de empate, seguirase o criterio da puntuación total acadada no apartado referido á incidencia no emprego (apartado 2, cun máximo de 25 puntos), priorizando a axuda do proxecto con maior puntuación. Se aínda houberse empate entre dous proxectos, usarase a data de solicitude de axuda, coa priorización do que se solicitara antes, segundo o número de entrada no rexistro.

A relación dos expedientes non produtivos que se propoña pola Xunta Directiva para a concesión de axuda incluírá, en primeiro lugar, os considerados de prioridade alta, despois os de prioridade media e a continuación os de prioridade baixa, e dentro de cada categoría, ordenaranse segundo a puntuación do baremo correspondente ó ICE verificado en cada un dos proxectos. En caso de empate, a priorización farase atendendo ó de maior puntuación na incidencia ambiental (punto 3.4, máximo 15 puntos). Se aínda houberse empate, atenderase á data de solicitude de axuda, priorizando o que a presentase antes segundo o número de entrada no rexistro.

Os proxectos con ICE verificado que non puideran ser obxecto de concesión de axuda por falta de fondos dispoñibles na anualidade en curso, pasarán á selección no ano seguinte competindo cos novos proxectos que se presenten. Deixarase constancia na solicitude de axuda da aceptación expresa dos promotores relativa a esta circunstancia.

II.- Criterios para establecer a prioridade e seleccionar proxectos non produtivos

No caso de proxecto de creación e/ou mellora de actividades e/ou servizos, e de proxectos de centros sociais, unicamente se seleccionarán aqueles proxectos que especifiquen no plan de xestión un horario de apertura e se comprometan a comunicar no momento da xustificación final da axuda a persoa física ou xurídica encargada da atención do proxecto no horario establecido.

Ademais, nas distintas convocatorias Leader 2023-2027, os proxectos non produtivos xeradores de ingresos que teñan a consideración de produtivos axustaranse ó seguinte: puntuarase co baremo de proxectos produtivos e serán subvencionables ata un máximo do 50%, non obstante, os fondos que se lle asignen ó proxecto detraeranse da tipoloxía de proxectos non produtivos, acorde coa tipoloxía do beneficiario.

Todos os proxectos que cumpran os requisitos xerais da convocatoria, serán valorados en función da análise dos seguintes aspectos, segundo a natureza do proxecto.

- Entidades públicas locais do territorio do Ulla Tambre Mandeo: reservarse o 60% do orzamento total para proxectos non produtivos de cada anualidade.
- Outras entidades sen ánimo de lucro: reservarse o 40% do orzamento total para proxectos non produtivos de cada anualidade.

Sempre que a normativa o permita, establécese a mobilidade entre medidas, é dicir, se non existen solicitudes polo importe total do orzamento anual de proxectos promovidos por unha das dúas tipoloxías: entidades públicas locais do territorio ou doutras entidades, os fondos serán transferidos entre ambas automaticamente. Se, aínda así, non existisen solicitudes de axuda polo importe total do orzamento anual para proxectos non produtivos, os fondos serán transferidos automaticamente para o financiamento de proxectos produtivos no ano en curso.

Prioridades dos proxectos non produtivos

Proxectos de prioridade alta, financiábles ata un 90% do investimento.

- Proxectos que fomenten a inclusión social mediante **servizos** de igualdade e benestar á poboación, a integración de comunidades marxinais e de inmigrantes, o coidado das persoas maiores e a promoción dun envellecemento activo e saudable; así como o coidado infantil e os colectivos con discapacidade.
- Proxectos que teñan por obxecto fundamental a mellora da accesibilidade ás tecnoloxías da información e da comunicación (TIC), así como o seu uso no medio rural (por exemplo, telecentros, aulas de informática, plataformas dixitais de servizos á poboación xeral, uso da “internet das cousas” e proxectos de dixitalización de servizos e infraestruturas públicas), así como os investimentos ligados a aldeas intelixentes (“smart villages”).
- Proxectos en aldeas modelo ou en desenvolvemento dos instrumentos contidos na Lei da Recuperación da Terra Agraria ou proxectos de recuperación natural da contorna en Rede Natura 2000.
- Proxectos de investimentos directamente orientados á adaptación e mitigación do cambio climático tanto no medio natural como nos núcleos de poboación (definición IGE: Conxunto de polo menos dez edificacións, que están formando rúas, prazas e outras vías urbanas. O número de edificacións poderá ser inferior a 10, sempre que a poboación que habita as mesmas supere os 50 habitantes) e proxectos de mitigación e adaptación ó cambio climático en liña coa Lei do Clima de Galicia.
- Proxectos de creación de produtos turísticos arredor dos recursos patrimoniais prioritarios: Fervenza das Brañas, San Antolín de Toques, Mosteiro e Lagoa de Sobrado, Campamento Romano da Ciadella, Praza do Convento de Melide, Río Ulla, Camiños de Santiago, Igrexa e Batán de Santa María de Mezonzo en Vilasantar, embalse e ferri en Portodemouros. Tamén os investimentos destinados ó desenvolvemento do Ulla Tambre Mandeo como destino cicloturista.
- Proxectos orientados á mellora da fixación da poboación no territorio e á atracción de novos poboadores a través de solucións innovadoras no eido da mobilidade e da mellora na dispoñibilidade de vivenda.
- Intervencións directas no medio natural para a recuperación de bosques autóctonos e de ribeira, así como da mellora da calidade da auga.
- Proxectos promovidos por asociacións xuvenís cando cumpran todos e cada un dos seguintes requisitos: figurar a asociación inscrita no Censo de Entidades Xuvenís, contar cun mínimo de 10 membros asociados e que, polo menos, o 70% dos membros da Asemblea Xeral sexan menores de 41 anos.

Proxectos de prioridade media, financiábles ata un 70% do investimento:

- Creación de servizos para o colectivo infantil e a mocidade entre os 12 e os 25 anos nos ámbitos cultural, deportivo, asociativo, de voluntariado, etc. fomentando unha vida activa, un currículo multidisciplinar así como un uso responsable e saudable do ocio na xuventude local. Terá que acreditarse a través dos compromisos do plan de xestión que o servizo se orienta especificamente para este colectivo da poboación.

- Creación de espazos e recursos que apoien a visibilización, promoción e comercialización da produción agroalimentaria e/ou artesanía local (mercados locais, obradoiros comunitarios, etc.)
- Proxectos de investimentos directamente relacionados coa economía circular e a compostaxe, así como a recollida selectiva de pequenos contaminantes da vida cotiá
- Proxectos de creación de produtos turísticos arredor dos recursos patrimoniais distintos dos prioritarios.

Proxectos de prioridade baixa, financiáveis ata un 50% do investimento:

- Calquera outro non recollido anteriormente.

TERMOS CLAVES UTILIZADOS NO BAREMO:

- PARADOS/AS DE LONGA DURACIÓN: Persoas que leven máis de doce meses nunha situación de desemprego no momento da solicitude.
- MOCIDADE: Persoas con idade inferior ós 41 anos.
- MAIORÍA: En todos os ítems do baremo se entende unha maioría simple, máis do 50%.
- PARTICIPACIÓN MAIORITARIA OU PARTE SUBSTANCIAL: en máis dun 50%, a non ser que se especifique outra cousa no criterio.
- COLECTIVOS DESFAVORECIDOS: mulleres, parados de longa duración, mocidade, inmigrantes e persoas cun grado de discapacidade superior a un 33%.

B.- BAREMO DE PROXECTOS NON PRODUTIVOS

1. SITUACIÓN XEOGRÁFICA DO PROXECTO: 35 puntos.

Valoraranse os seguintes aspectos (coincidentes cos datos do baremo para produtivos):

Criterio	Puntuación máxima
1.1.Nivel de desenvolvemento económico do concello (rendemento medido declarado no IRPF do ano 2020)	10
1.2.Variables demográficas do concello	20
1.2.a.Densidade de poboación	5
1.2.b.Variación da poboación	5
1.2.c.Avellentamento da poboación	10
1.3.Taxa de desemprego no municipio no ano 2022	5
TOTAL PUNTOS	35

Nivel de desenvolvemento económico do concello (Rendemento medio declarado do IRPF 2020):

Rendemento medio declarado do IRPF 2020 (€)	PUNTUACIÓN	Concellos
IRPF > 13000	4	Melide, Arzúa, O Pino
13000 ≤ IMRF < 12000	6	Touro, Vilasantar

12000 ≤ IMRF < 10000	8	Boimorto, Santiso
IRPF ≤ 10000	10	Sobrado, Toques
Puntuación máxima: 10		

Fonte: www.ige.eu

Densidade de poboación. Ano 2022:

DENSIDADE (hab/km2)	PUNTUACIÓN	Concellos
Densidade > 40	2	Melide,
30 < Densidade ≤ 40	3	O Pino, Touro, Arzúa
20 < Densidade ≤ 30	4	Santiso, Boimorto, Vilasantar
Densidade ≤ 20	5	Sobrado, Toques
Puntuación máxima: 5		

Fonte: www.ige.eu

Variación da poboación no último decenio. Período 2013-2022:

VARIACIÓN DA POBOACIÓN (%)	PUNTUACIÓN	Concellos
Redución da poboación < 5%	2	Melide, O Pino
5% ≤ Redución poboación < 10%	3	Arzúa, Vilasantar
10% ≤ Redución poboación < 15%	4	Boimorto, Touro, Sobrado, Toques
Redución da poboación ≥ 15 %	5	Santiso
Puntuación máxima: 10		

Fonte: www.ige.eu

Envellecemento da poboación. Ano 2022:

ENVELLECIMENTO DA POBOACIÓN	PUNTUACIÓN	Concellos
Envellecemento da poboación < 200	4	Melide
200 ≤ Envellecemento < 300	6	O Pino, Arzúa,
300 ≤ Envellecemento < 400	8	Touro
Envellecemento ≥ 400	10	Sobrado, Vilasantar, Santiso, Toques, Boimorto
Puntuación máxima: 10		

Fonte: www.ige.eu

Taxa de desemprego. Ano 2022:

Taxa de desemprego municipal para o ano 2022 (%)	PUNTUACIÓN	Concellos
Taxa de desemprego > 10%	5	Melide
10% ≥ Taxa de desemprego > 9%	4	Touro
9% ≥ Taxa de desemprego > 7%	3	Santiso, Arzúa, Boimorto, O Pino
7% ≥ Taxa de desemprego	2	Vilasantar, Toques, Sobrado
Puntuación máxima: 5		

Fonte: www.datosmacro.com

2. CARACTERÍSTICAS DO PROMOTOR OU PROMOTORA E ÁMBITO DE

ACTUACIÓN DO PROXECTO: 20 PUNTOS.

Proxectos promovidos en solitario por Entidades Públicas Locais ou proxectos promovidos conxuntamente por varias Entidades Públicas Locais e/ou con outras entidades. Entenderase cumprida a promoción conxunta cando se asine un convenio de colaboración entre as entidades para a execución de ditos proxectos; ou un ente público con personalidade xurídica propia e carácter supra municipal.

Criterio	Puntuación
<u>Proxectos de ámbito municipal</u>	
2.1.a. Promovidos por un concello do territorio de actuación do GDR UTM	12
2.1.b. Promovidos por un concello do territorio de actuación do GDR UTM máis outro tipo de entidade privada como: asociacións, CMVMC, cooperativas, etc.	14
<u>Proxectos de ámbito supra municipal (cando os investimentos efectivos do proxecto se realicen en máis dun municipio)</u>	
2.1.c. Promovidos por dous ou máis concellos do territorio de actuación do GDR UTM ou un concello do territorio de actuación do GDR UTM e outro tipo de entidade privada como: asociacións, CMVMC, cooperativas, etc.	18
2.1.d. Promovidos por dous ou máis concellos do territorio de actuación do GDR UTM e outro tipo de entidade como: asociacións, CMVMC, cooperativas, etc.	20
PUNTUACIÓN MÁXIMA	20

Tódolos ítems anteriores son excluíntes entre si.

Proxectos promovidos por entidades privadas, asociacións e outras entidades sen ánimo de lucro, cooperativas e comunidades de monte veciñal en man común. Puntuación máxima: 20 puntos.

Criterio	Puntuación máxima
2.2.a. Proxectos promovidos por entidades formadas, maioritariamente, por mulleres.	5
2.2.b. Proxectos promovidos por entidades formadas, maioritariamente, por mocidade (persoas asociadas menores de 41 anos)	10
2.2.c. Proxectos promovidos por asociacións de persoas con discapacidade	5
2.2.d. Proxectos promovidos por asociacións ambientais ou de custodia do territorio	5
2.2.e. Proxectos nos que a persoa representante da entidade sexa unha muller	5
2.2.f. Proxectos promovidos por entidades que teñan como obxecto social o coidado das persoas maiores, o envellecemento activo, a mellora nas condicións da	5

poboación infantil ou a inclusión das persoas con discapacidade	
2.2.g.Proxectos promovidos por entidades con domicilio social no territorio de actuación do UTM	5
2.2.h.Proxectos promovidos por asociación de xuventude (inscritas no Centos de Entidades Xuvenís)	5
PUNTUACIÓN MÁXIMA	20

Os criterios 2.1 e 2.2 son excluíntes entre si ó estar diferenciados segundo se traten de entidades públicas ou non.

3. IMPACTO DO PROXECTO SOBRE O TERRITORIO: 45 PUNTOS

Valoraranse os seguintes aspectos:

Criterio	Puntuación
3.1.Segundo o obxecto do proxecto:	15
3.1.a Proxectos que teñan por obxecto fundamental un dos ámbitos prioritarios do Leader Ulla Tambre Mandeo recollidos a continuación	15
3.1.b Proxectos que contribúan a acadar os obxectivos dun dos ámbitos prioritarios do Leader Ulla Tambre Mandeo*	7
3.2. Capacidade de arrastre	10
3.2.a Proxectos que xeren emprego (polo menos, 0.50 UTA)	10
3.2.b Proxectos que supoñan a aparición dun novo servizo para a poboación local a nivel municipal.	5
3.2.c Proxectos que recuperen unha infraestrutura ou espazo degradado ou ben que eliminen o feísmo na intervención.	5
3.2.d Proxectos que melloren o acceso ás TICs	5
3.3 Incidencia sobre a calidade de vida de determinados colectivos	5
3.3.a. Proxectos que incidan especificamente sobre a calidade de vida das persoas maiores.	5
3.3.b Proxectos que incidan especificamente sobre a calidade de vida da poboación infantil e a mocidade (ata os 25 anos)	5
3.3.c. Proxectos que incidan especificamente sobre a calidade de vida das persoas con discapacidade	5
3.3.d. Proxectos que incidan especificamente sobre a calidade de vida das mulleres e a consecución da igualdade de dereitos e oportunidades e/ou a conciliación laboral e familiar	5
3.4.Incidencia ambiental	15
3.4.a Proxectos que melloren a calidade da auga (ríos, regatos, fontes, mananciais, lagoas, augas subterráneas, etc)	12
3.4.b Proxectos que teñan como obxectivo establecer medidas de prevención de xeración de residuos, reutilización ou reciclaxe de materiais e/ou augas ou o seu fomento. Tamén proxectos de demostración e implementación neste sentido.	12
3.4.c Uso de enerxías renovables	5

3.4.d Proxectos que contribúan directamente á prevención de incendios forestais.	5
TOTAL PUNTOS MÁXIMOS	45

Os ítems 3.1.a e 3.1.b son excluíntes entre si.

Proxectos que teñan por obxecto (3.1.a) ou contribúan (3.1.b) unha das seguintes áreas determinadas como prioritarias na estratexia. **Considérase que teñen por obxecto fundamental** as áreas prioritarias, cando a actividade do proxecto vai destinado, especificamente, a elas. Por exemplo, unha queixería D.O.P. Arzúa-Ulloa ten por obxecto fundamental a transformación e comercialización do leite. **Considérase que o proxecto contribúe a consecución destas áreas**, cando a súa actividade non é especificamente destas áreas, pero as aborda dalgunha maneira. Por exemplo, un hotel no Camiño Norte pode ter unha pequena tenda na que ofrezca unicamente produtos do territorio e queixo D.O.P. Arzúa-Ulloa, o que contribúe a comercialización e mellora da imaxe de produtos agroalimentarios do territorio, sendo a actividade principal a de aloxamento.

Ámbitos prioritarios:

1. Servizos de igualdade e benestar. Creación ou mellora de: centros residenciais ou comunitarios da terceira idade, centros de día ou centros lúdicos para o colectivo infantil e xuventude (ata 25 anos), escolas infantís e centros para persoas con discapacidade, centros de acollemento para mulleres vítimas de violencia de xénero ou sexual.
2. Intervencións no medio natural orientadas a recuperación da biodiversidade nas fragas autóctonas ou do bosque de ribeira ou recuperación de espazos en Rede Natura 2000. Creación de espazos arborados nos núcleos de poboación.
3. Proxectos orientados á mellora da fixación da poboación no territorio e á atracción de novos poboadores a través de solucións innovadoras no eido da mobilidade e na mellora da dispoñibilidade de vivenda.
4. Investimentos destinados á posta en marcha e valorización da Ruta Cicloturista do Ulla no trazado deseñado polo GDR.
5. Fomento da economía circular local co aproveitamento de refugалlos e redución de residuos e contaminantes.